

祀祖礼仪则

内外肃静 排班序立 执事者各司其事

发鼓三通 鼓初严 鼓再严 鼓三严

鼓止 鸣金三阵 金初鸣 金再鸣 金三鸣 金止 金鼓齐鸣 执事者焚香炳烛 声炮 奏大通 大通止 奏大乐 大乐止 奏小乐 丝竹之音 丝竹音止

听歌 乐具大奏 如埙如篪 肃肃在庙神之听之 歌毕 正祭裔孙就位 分献裔孙就位 与祭裔孙就位 启户 捧毛血执事者诣先祖位前 跪 叩首三 兴 捧毛血瘞诸门外 鼓乐导前乐止 行合省礼 通唱省正祭 正引唱 主祭裔孙诣

正祭位前省正祭 歌曰：群公先正 尚有典型本支百世 是训是行 通唱省左昭 正引唱主祭 孙诣

左昭位前 歌曰：左之左之 以归肇祀德音孔昭 必恭敬止
通唱省右穆 正引唱 主祭 孙诣

右穆位前省右穆 歌曰：右之右之 于穆不已是饗是宜 神
之庆矣 正引唱主祭裔孙诣猪所省视 歌曰：乃造其曹 执豕于
牢 衍我烈祖 亦孔之昭 主祭裔孙诣羊所省视 歌曰：跻彼公
堂 曰杀羔羊 以享以祀 先祖是皇 正引唱 主祭裔孙诣饌所
省视 歌曰：笾豆静嘉肴核维旅 毛包載羹 物其有矣 正引唱
主祭裔孙诣爵所省视 歌曰：瑟彼玉瓚 酌言献之 虽无旨酒
来燕来宜 正引唱主祭裔孙诣帛所省视歌曰：维其时矣束帛笈
笈其仪不忒式礼莫愆

正引唱主祭裔孙诣香案所省香案 歌曰：肆筵设席 有椒
有馨苾芬享祀 胡考之宁 省毕 复位 乐止 行迎神礼 执事
者授香 鼓乐导前诣枋所迎神 歌迎神之乐章 歌曰：嗟嗟烈祖

来格祈祈 陟降庭止 不可度思 夙夜匪懈 髦士攸宜 上下
奠瘝 左右趣之 歌毕 三揖 起乐 复位

通唱行启主礼 主祭裔孙指

先祖位前 启柜出主 叩首三兴 起乐复位 通唱乐止 行存
诚礼 跪 俯伏 歌存诚之乐章 自古在昔 先民有作 爰居爰处
或歌或謦 惠于宗公 执事有恪 怀允不忘 礼仪卒度 正引唱兴
起乐 乐止行上香礼 献裔孙诣左昭香案右穆位前跪捧香 歌
曰：爰有树檀 载燔载烈 其香始升 以享以假 神罔时恫 率
履不越 保我后生 既明且哲 祝毕上香三叩首 兴 起乐 复位
通唱乐止

行脂蒿礼 主祭裔孙诣脂蒿所 跪 执事者 以刀授燎脂
焚蒿 歌曰：既备乃事 执其鸾刀 尔牲既具 以启其毛 或烹或
剥 取其血膏 取肅祭脂 心焉忉忉 叩首三兴 起乐 复位 乐止

行灌献礼执事者 举杯酌酒 捧酒绕堂 歌曰：溯祀典之攸
荣诣灌地而降神 奉脂膏而求阳 复洒酒而求阴 通明禋于一滴
祈灵爽而式凭 思神功于有赫 严陟降以来临朝庭酌酒于再三丧
礼用 哀思耿耿之而弗胜 绕堂歌毕 正分献裔孙诣

先祖位前 跪 三酺酒 灌地降神覆杯 俯伏 歌曰：既载清
酤 厥作裸将 拒凶一卤 有饙其香 昭假烈祖初献礼 执事者
以帛以爵以灾膳进 率裔孙诣 先祖位前 初献帛爵 歌曰：靡
不有初 礼则然矣 燔之庖之 式燕且喜 念昔先人 承畀祖妣
以迄于今 克禋克祀 裔孙诣读祝所 宣读祝文读毕 叩首 兴
起乐 复位 乐止行亚献礼 执事者 以帛以爵以灾肝进 率
裔孙诣

先祖位前 跪 亚献帛爵肝 俯伏 歌曰：宗礪设祭济济跽
匕或燔或炙 或肆或将 念兹皇祖 庥有烈光 介以繁祉 何用不

藏 叩首 兴 起乐 复位 执事者 以帛以爵以烹鲜进
率裔孙诣

先祖位前跪 终献帛爵鱼 俯伏 歌曰：或鱣或鲔南有嘉
鱼享于祖考式燕且誉矧敢多又职思其居 终善且有 其乐只且
叩首兴 起乐 复位 乐止 行侑食礼 率裔孙诣

侑食位前 跪 执事者 羹饭进炸大乐捧版

以匙箸授 插箸于饭 歌曰：既醉以酒 大糝是承 嘉穀
脾臠 于豆于登以妥以侑 以奠其侨居远鬬当难以更仆下陔复
位叩首三 引主祭孙傍立 行拜謁礼 各房裔孙均下陔叩 礼
三匝作大乐鸣爆乐正 引主祭孙复位 叩首三 兴 礼成 奏乐
鸣爆

祭文

告杀文

嗟乚烈祖世德祚求有典有则貽厥孙谋相予肆礼执豕于牢
笾豆静嘉取其血毛祭以清酒苾乚芬乚神嗜饮食子孙其湛 敢告

夕奠文

念兹我祖长发其祥子子孙孙祀祭于祁日之夕矣庭燎之光
馨尔夕膳有苾其香工祝致告万寿无疆佑启后人继序

其皇 敢告

朝奠文

念昔先人则笃其庆惟予小子怀允不忘明发不昧祀事孔明
陟降庭止 先祖是皇契尔晨馐来格来尝濯厥灵申锡无疆施于
孙子而炽而昌 敢告

正祭文

仰承显祖始自丹阳积德累仁遗泽悠长江陵托迹累世流芳
攸福鍾灵愈炽愈昌北山衍派肇自豫章一派相沿乃迁厥湘继往
开来世系攸彰左昭右穆显赫在纲水源木本每念不忘兹当时祭
纠聚一堂粢盛告荐俎豆馨香伏冀尊灵庥有烈光明乚在上锡类
无疆从兹衍庆长发其祥神其鉴之来格来尝 敢告

附录楚茨歌

首章

我黍与与我稷翼翼以享以祀以妥以侑

次章

跻匕踰匕祝祭于祊祀事孔明先祖是皇

卒章

孔惠孔时惟其尽之子子子孙孙勿替引之